

MUBULELI CHRIS

01 OWE SHEMWA.

02 OWE OSHI BUPIWA HIPYA

03 OKWITE MUMBELO NA MEPO CHA MULIMU!

04 OWE HEMWA ONA KENISHIWA KWA MULOMU!

05 OWE ONA KENISHIWA!

06 ONA WAPISHIWA !

07 ONA YOYISHIWA !

08 OMEPO CA MULIMU CI KALO KOYE!

09 MOTENDA NGEBI ENDI INU INEBI? MINAHANO CA KEYO KOYE

10 MOTENDA NGEBI A ONYIOYE NO KALE APA UCA MUNYIMA?

11 MOTENDA NGEBI APA MANYANDO AKU KEYELA NAKU NYANDISHIWA?

12 OMEPO CIKENU NAWEL!

13 WATWESHA KUCA KU KELEKE?

OMWE NOKU WABELIWA

Twaku tumela kumpo co kupiwa mahala co moyo nombula kupwa,owu no mwamuhela Jesu ngawa aikale mwolyenu namu yooyisi wenu.

Nafanji kuku tapele oniti co milao no shilumeli muku lumela mu uniti nji mutwese kuumba muku tiseza kwikala mutai wa moyo kwa Jesu kresite; muku tutee ci pepa mu utali moci mipa kutulo cinene .

Na lapela nji mulimu a mipe mepo ca utali naku minanga mu zibo caye " omin'ò enu noku yubisisa , nji mu lemuhe unene na sepo caye name ishanena ; nakwambanji mulimuke einu na mipa mahala mu pitela mwa Jesu Amen.

Echi pepa moci mipa kumi tusa omu mu tatekelo omoyo wenu upya kwa Jesu kresite " kuno muku tutile hiwana wana mu tanekele mu bibeke muku tute mohoci.

Na lumela nji o ulumiwa wikile mo mou twesha kumu pilula mu moyo wenu naku mi yondolola kusho cenu kuca mu milao ca mulimu mu lii lyaye oye.,mulimu ami fuyawece mu licina lya mwanaye Jesu Amen.

OWE SHEMWA MOLYELE

Owe ona piti olo lutu omona ;owe ona na syamboso nziwo ;na ngana coye noku mona ; noku yubisa; kukwata ; naku lika , mane naku nokeeca) mukaci koye kwe kala hinu I belekile ku pitelela o mubili wenu , eyo lutu lwa mepo yonyiko omwe shemwa.

Oyu munu no ngana yo nyiko toiwa ku mbaimbulu 1 Pitlosi 3: 4 mu teneke omunu nomu kaci mumu chima oyo nombula kuliwa na ubelete wa mbango nombula kuliwa na inu ya kwoola noku pita na maaci no mepo ciwawa

O lutu lomunu apa afaa omepo caye echo ca yoya mwekela munu ngeyo ambu weti omu na ikalela cambu njekale a tokwahale ; njeko esi ana luzu konji chambu ku maipa kwaku kana ku beleka weti umu na ikalela pano pash. O lutu lwaye mo lufa kono omunu shemwa oye oshi yoya omepo caye oyo munu oshikwite eyi na tendanga yoshe njekale a tokwahale.

Jesu kresite no amba likande mu Lukamu likepe lya 16 kwamba alume aili na tokwahala munako chimweya omweya mona ikala wa ku lombelala chambu lizina lyaye Lazalo . o uniti no siambo ka ngawa mona lombanga chambu kao shiwanji kulomba kono mona ikala waku njewaala mubotana ,kono mona ikala na muchima wa uwawa ukenu waku luka. Apa na tokwahala mona mushimba kumu twala mumbando ca Apuhama mukaci kaye . O mulume no wiili naye keo tokwahala , oyo mulue mona kwata ufumu ongi ungi mu litunga kono no shemwa ku yoya naku luka naku kena mu upilo waye .

Mu lemuhengi apa na tokwahala kufa mona bumbekiwa pasha , kono Jesu mona ambanji mu lihele ‘ mona kopaula ku topeela muwilu naku mona Lzalo mumbando cha Apulahama mu mwiili waye naku keya ku lemuha Lazalo “ eyi ya toloka nji oyu munu oshi mona , Keo oizana Apulahama na kwamba nji “ tawe oni tuse munamono o lii lyaye li shiamba , keo Apulahama omu alaba kuti noyuba omaii a Apulahama naku yuba olii lyaye yoamba naku teececa.

Oyu mulume noku fuma keo oamba ngawa na yuba liwila tawenyi , kame ka liwilambu kao lyohoci ,kono mona ikala muku nyepa namu mafenyeho” makwetu muleshele Lazalo a wiye kuno ani tamukiseleko shiwa ka lilosi lya meyu nji a ombolishe pa muchima wange apa ni yubo liwila; kame kokwikile libaka apo mu faelile ku limuka lya kwaamba nji oshi twesa kumona naku twesa ku kengeela

Yoshe minahano caye chishili momwaco , kame oshi twesa ku kengeela naku nahana oinu na tendanga ; keo makwetu mutume munu kwanu nokufa aka kutaze kwa kulwange no alume na akazi kuti no siya akulwaye pasha naku keengeela kutinji apa ku tunda munu kwafu keo mwaka itana wangu kakuli mwaka tonwela o uwa nau nyangunyu uknikala siwana naku kana ku ikala siwana , oye mona lilela naku bilaela kwa kulwaye na minaye .

Eyi yami simweca ndi omepo co munu ca yoya ; kame apa munu ashiwa sinja ko wili echo mepo caye chonyiko cina shemiwa upya kame.

2 Makorinte 5 :17 NKJchambanji “ enji munu na lumele kwa Jesu keo oyo munu seli sibupiwa hipya oinu yo kale yoshe inapu mumone inu yoshe ipya . Keo inu yoshe ya mulimu; omu naku usela okwaye ku pitela kwa mwanaye Jesu kresite naku tupa o musebezi noku kwambweela”

OWE OSI BUPIWA SIPYA

Keo pakupo omoyo wenu kwa Jesu kresite naku mu pilula nji yo nyiko moyo wenu okwaye ku piluka mwolyenu keo ko muli kame weti omu no mwikaelanga kalekale kao , omwe mwa twesa ku monahana mokale kono mukaci kenu mwanu apya koshe koshe ; eyo yonyiko mbaimbulu chambile kame ko mwikile nji munyama co kuola kono mu mepo nombula kufa choku yoyelela chambu noci kana kuumbiwapo (2 Makorite 5: 17)

Omwe komwa hi bupiwa kawiili kao kamba nji kumu bumbulula hinja kao omwe mwa si bupiwa hipya mwanu apya mu lutu lwenu loshe uniti no taba no kwambanji mwapya mukachi ko lutu lwenu ; kwambanji panze momu ikala mwamo kame ku piluka mushi mwamo panze mwanu ao , enji mono muikala na uki chipi chipi apo hiwanji ku elekiwa sinja muikalelo mowikala umweya woku ipipa ; momu kwata musebezi umweya mabasi mamweya naabenu no pepiana michinguluka mu shilalo senu

Sisupo sikulu shemwa sa mba kuti omu ikaelo wenu una chinjiwa una shimbuluka ; mukwite mu ikaelo namu tendelo upya pya ; kakuli muna piluka mwapya mukachi ko lutu lwenu .

MUKWITE MU IKAELO NA MOYO WA MULIMU

Kcha mu kwelekiwa sinja mulimu na mipu maata nji mu ikale anaye oye mulimu (Jpwani 1 :12). Mu ikaelo wa mulimu ukwite una ungu okwenu mu mepo chikenu ; keo mukwite mepo chipa . O moyo wa mulimu owo atenda Jesu kresite kupa ku mani ma namani oyu lumelo kwaye lithonolo mwike elyo ngawa omwe mu ikale ku kalulo chaye muku kuwana mukachi kwanu noku luka ! mu mwi ikaelo waye mulimu (2 Pitulosi 1:3--4) Mulimu yonyiko osichenu pelo ! mungepi, mu mwi ikaelo.

Mu ku shemiwa upya mo nyiko mumona nji mbwa a shema mbwa kukwaye ; kame mu Jowani 12:14 chamba kuti anu angi a lumelile okwaye mu ungi woo kwawo anu mwa apa maata noku ikala ana mulimu kappa ku isaniwa ana mulimu mane na kwanu ao ai itana mu lizina lyaye oshe apa maata noku isaniwa ana mulimu ; aao na shemiwa ka mu unyinga kao kappa mu nyama zo unu kao kappa mu tato zamunu kae kono mu sisimwa sa mulimu tota.

Mulimu mushemi okwenu omwe mwanu aye mwa lubasi lwaye oye mulimu kame mwekala mu munzi waye muwilu omu apila oye mulimu tota .

Mulimu okwite utokwa pa lutu lwenu omwe ; oye mwa mipa inu yoshe eyo mufaela ,kucha mutate caye mwa mipya omu a twesela moshe mu kanya cha mwanaye Jesu kresite (Mafilipi 1: 19) o kwite milelo chiwawa okwenu eyo na kengeela naku itumusa omwe njekale naku bupiwa mulibumo lya nyinawenu kale oye naku mi nahanela ya uwachambu, muna shemiwa sinja ko wiili omwe muna piluka mwana waku wapeliwa ku wapela mulimu naku wapela ku ikala mu lubasi lwana mulimu . Eyi ya utokwa shemwa naku mipa moyo upya naku kaku wana mu mubuso waye noku wilu.

Mbaimbulu za lukulula nji omwe muna piluka ana mulimu mu napiwa moyo wambula kupwa ; owu wonyiko moyo uli mukachi ka mulimu u tonoliwa mu mbambulu ku otopiso inu ku l yala pa kenukenu ngawa mu yubeele kanti mulimu ani? Kwambiwa nji oyu kwite mwana mulimu okwite moyo waku yoya nje kufa ” nakwamba kuti oyu nombula mwana mulimu oyo munu wakufa ka kwite moyo shiwanji e kala mukungulu . Eyi ina n’oliwa ngawa oyu itana chambu mu lizina lya mwanaye keo okwite moyo wambula kupwa ngawa omwe mumuwaniwe na moyo waku yoya keti oyu kwite lizina lya Jesu omwana mulimu (1 Jowani 1 : 11—13) .

Konji chambu oyu kwite o mwana mulimu yonyiko kwite omoyo nombula kupwa owu moyo nombula kupwaa wa waniwa kwana mulimu apa mu mwamuela keo momu wana moyo wambula kupwa .

Moyo nombula kupwa wa mipa ukalu ngawa mu twesiwe ku inu noku kalupa nopano pasha ishemwa ku mitwesa kame moi mitwala peulu ku miliko choshe omwe momwikala peulu chayo;

Mu inahane chambu ; kame moku ikala ukalu ngawa mulimu ami sinyasinye kamba ai tanise oila yenu kumi koma iwanji kakuli mukwite upilo keo nje kumi tenekela ngawa mu fwenyiwe mu yundisiwe kakuli chiya mepo nochi ngukisa Jesu kwanu no kfa conyiko chili okwenu (Maroma 8: 11)

OMWE MWANU AKU LUKA PA LUBALA LWA MULIMU

2 Makorinte 5: 21 chamba kuti shinani omu namu pangela ngawa aikale muezalibi mu sibaka setu oyu no shemwa ku fosa kononji otwe tu ikale aku luka mu sibaka saye anu aku kena posho cha mulimu ,”

Mu kengeele nji mulimu a tendanji abupe hinu shaku monahala naku umba Jesu nji muku tenda hibi (eyo yonyiko hibi sho kwikela itabelo sha ui) ngawa otwe tu ikale aku luka pozo za mulimu .

Eyi yonyiko no tendisa nji Jesu atu fela ku shimba sibaka za ibi na kufa mu sibaka setu oye kufamo chambu muna mono? Echi kalabo chaku monisha nji mwa twesa ku imana posho cha mulimu weti mwanu aku luka naku twesa ku monahala nji weti ko mukwite mulandu kao mane shiwa ku minahanela nji mwaka ku fosahala (Maheberu10 :19 na Maroma 5: 1).

OMWE MUNA KENISIWA

Kanti yamba ngepi ngawa omwe muna kenisiwa ? ya talusanji omwe ko mukwite mulandu kawo ka mwa ifosi kawo ; kuca mu tate cha mulimu mane nje kumi kengeela unyangunyu kule kule ‘ mane ku mishimba ngawa weti shamba mwa Katanga omwe ku pangapo mulandu mu moyo wenu kuza omu chambelo mbaimbulu “ ku tundapo omu chambelo mbaimbulu nji mwanu aku luka kuca mu tumelo cenu ngawa mukwate tukuluho naku na mulimu ku pitela mwa Jesu kresite o mwolyetu(Maroma 5:1) mwa yoya muku luka chambu.

Jesu mona shimba o panishimendi chenu kuci kupaka cho ibi yenu na kufa pa sifapano nomu mulimukela nji oye no shemwa ku fosa sibi so sibi soshe (1 Pitolosi 2 :22) po nyiko mumona mulimu nje ku manglela o ibi yenu nji mwa ifosi batilimonyiko chambelo mbambulu . Nawapela nji mulimu mona ikala mwa Jesu na kuco litunga okwaye ku pitela mwa Jesu kresite naku kana kwa kulekiso milandu coo naku kwambweela muku tu tumelela milandu choshe (2 Makorinte 5 :19).

OMWE MUNA KENISIWA TWAA

Tu kengele mu nako chinyonyo ambu aponji muna nwele mu likwina apo muna tambakana keomunu mweya ona mi yokolamo naku mi yoyisa “ eyo “ shinani membe ona ngwele mu wina ona panisiwamo “ eyi mutenda omwe chambu mwaku kenisa kuku pukumuno lichilo ; mu maii makwao amba kuti kappa mu tundishe o ina okwenu “ eyo moi letsanji mu like katata na mukushi

1 Makorinte 6 :11 chamba kuti ” omwe muna luku; muna kenisiwa ; mane naku wapisiwa mu lizina lya Jesu kresite namu mepo chikenu cha mulimu “ku kenisiwa yekaala mwiili “ mulimu ona mi tundisa mu

muwina keo omwe muna elekiwa ko wiili mu wanguwangu na mbaimbulu naku kuwelela nji omwe muna kenisiwa naku mi paka ku nyonga nji ko muli anu amu litunga kao mwanu aku ku pitela , naku shimbulula omuwina okwenu naku tundisako muchima wenu muku kenisiwa naku piluka upya muce posho mu lii lya mulimu (Maroma 12 :1).

Muku kenisiwa kwenu mo kuca posho nje kuka munyima kame mu nahano wenu una kenisiwa upya mono ku lutiwa naku kengeela omu no muikaela njekale mu lumele okwaye muku mona mofochi fochi “ keo paku ikala upya muhupulo wenu wikale muku mona chambu ya mulimu muma nzila aye . Mu ku lute kame sinja mu mwikaelo wa mulimu Keo momu kwanisa kwamba omaii a mulimu omu swanelela, naku shimba omaii aye.

OMWE MUNA YOYISIWA NA?

Tupe ku lumbaecha kwa mulimu o iwetu oyu natu panga nji tu kwate ku ufumu waye noku wilu kwanu noku luka ngawa natwe tuka waniweko mu liitwa lyanu a ongola . Oyu no twesa kutu tundisa mu lifu namu simbwi so lififi naku tu nakela kwa mwanaye Jesu (Mkolose1 12:12—13).

Munako nomu kupaka kwa Jesu o mwana mulimu o mwolyenu naku waniwa mu mubuso waye noku wilu.

Njeko li dimona no lingwa ku wilu naku tunda mu lihele kuwiya kumi holofala mupelo njeko , omwe muna tunduko ku ui woshe uwu una limukiwa nou unakana ku limukiwa . O mwe muna tunduko ku mikwa zo kwiipa zo lififi ; zo mafu na matuku tuku “ eyi no imimanga kumi paka mumawenge kale kale ; kakuli omwe muna tundisiwako ku maata no lififi .

O mbaimbulu zamba kuti oye mulimu ona mi tundisa ku maata no lififi name manga manga onyiko name endisa omu a saelela naku mileta kumi pilulela mu mubuso waye noku wilu ; keo kame nje kuiyapa sinu kame kakuli omwe muna lukuluha “ kakuli mulimu oye yo mulisani wenu kame yona piluka min;o enu muku mi mamela nako cho nako coshe (Lisamu 23 :1).

Mbaimbulu chamba kuti endi oye mwana mwami lukulula nji muna kenisiwa ; momu ikala na tukuluho cha niti shemwa (Jowani 8 :10) mulimu ona mi yumbele mu mubuso waye no kuwilu “ omo monyiko muli pelo ; munyiko muna swaneele omwe kakuli muna yoyisiwa ku maata no mafu na ikola kola mane na manyando eyi ka yakwamba ngawa weti ya kale kao ona kuweele ngawa omwe muna tundu mu maata no lififi.

O MEPO CHA MULIMU CHI IKALO KWENU

Chikwacho cinu chikulu mu moyo upya eyi omepo za mulimu za wiya ku ikaloa naku yoya okwenu , endi mepo cha mulimu cekalo mwenu moi mi pepukisa ku mushimbo wo maii a mulimu naku mipa kutwisiso chipya muku yubela omai aye mulimu .

Keo apa muku luta mu mbaimbulu ; apo keo mukwite kutwisiso chipya kuca mu mepo zipya zenu naku ikala wa ku changumuka mu moyo wenu .

Ikwayo inu yambiwa mu mepo kuti kumi anukisha o lii lya mulimu (Jowani 14 : 30) muku kopanyako mu napiwa maata muku tenda upaki omwe mupiluke paki mukulu waye oye mulimu muku twala o upaki wa Jesu kresite. Muka amuhela moya ukenu apa u kumeno kwenu omwe mo muikala paki wange namu Judea na mu Jerusalema namu samaria mane na mamaneno no litunga (Likezo 1 :8) .

MOTENDA NGEPI ENDI UNYANGUNYU WA WIYO KOYE MU MINAHANO ZOYE

Kuza mu kushemiwa upya nje ku mi indeka mukunlikiwa momu likiwa mmu mikwa zingi kono omwe komu naku twaeza mu miliko ku zi itaena muzi kaene

Ombaimbulu za twambela kuti nako choshe twa twesa ku likiwa kono mulimu ona kwalula o sikwalo moku tu pandukiseza mu miliko ko zili nzila omu tu twesa ku picukelo muliko (1 Makorinte 10 : 13). Keo apa omwikwa cho kwiipa apa chiwiya mu minahano cenu omwe keo mwa swanela ku tenda ngeya

01 MUKENGELE NGAWA OMWE MWA SIBUPIWA SIPYA

Mulimuke ngawa ezo minahano za tunda paze na maataa aku Kashiwa chambu mu mukwa wa maata wa miliko noku tundeela kwa Satan omwe komu na zi umu minahano zenu shinani omu mu limukela ngawa omwe muna shemiwa upya ” o mbaimbulu zamba kuti (oyu na shemiwa upya muku lumela) okwite munahano wa Jesu mu mutwi waye (1 Makorinte 2 : 16) mwa swanela ku limuka nji omwe muna piluka munu mupya muna umbiwa sinja mulimu a saela munu yo munu yoshe ngawa a kengeele tuna umbiwa upya kame tukwite moyo upya waku yoya ou moyo upya wa swanela kuti tu ikale mu lumelo kwaye .

MWENDE MU NZILA ZA LIKUTE ZAKU KUKOKOBEZA

Muyubele mulimu tushimbe ngeya ngawa o mikwa zo kwipa miikaalo zi nyangunyu za wiyo kwenu inu ina mi zini mu unyangunyu ngawa mu itende ; mane mo mucha poso ku pitelela na ma tangeezo no inu ” kono apa mu lemuha ngawa omwe muna elekiwa upya munu mupya mu wangu wangu keo muna iku tubula naku iku yumba yoshe. Omwe mu kuteke mulimu mwa mona ngawa ku shemiwa upya njeko libaka kuti inu ya kwipa nje ku mi wiyela batili kono libaka njambu nji omwe komu na lumeleza ngawa imi endise mu ikanene omweya no amba kuti komu twesse ku kanisa oinyunyi ku tuka peulu cho mitwi cenu kao kono momu kaneno oinyunyi kuumba mashwa pa mitwi cenu .

Mushemwa ku twesa ku kanisa o minahano zo kwipa kumi wiyela kakuli ya tunda panze na maata a Satan ; kono mwa twesa ku kana ngawa itunge o kwenu komu na itana inu no kwipa ngawa itunge okwenu iwana ndau mu lutu lwenu .Ko mu naitana ngawa iwane maata naku mi busa ;mwa twesa ku ikaena muku kengeela chambu inu iwawa mu sibaka (Mafilipi 4 v 8). Kambe neli omwe mukachi naku tenda weti mukazi kono omwe mwa alume ; naku kumanga mu ndilesi no sikachi naku kina naku tenda inu nakwamba weti mukazi ” kono mushemwa ku bulama ngawa omwe mwa alume tawenyi ku mamano no inu . Momu mana ku pepanga na kuca ku musiyo no li kumangelo naku chinja oito ku ingena mu ito yenu shemwa , na kwenda mu mukwakwa lyo mubulo ma hikuhiku mu shemwa ku bulama ngawa omwe shemwa mwa alume. Nakwamba omu no mwambelanga nomu mu tendelango inu mushemwa ku tenda weti omu muna tendele omuli mu li bebelo weti mukachi ; mu kwamba namu ku tendo inu omo mu ushiku muna pepe.

Yoshe mumweya okwenu mono mu tenda inu mu nzila za kwipa weli njekale mwelekiwe sinja ;kono apa mukwite moyo upya ” owo moyo upya wonyiko mu swanela ku yoya nawo ; endi muna pepe nako cile weti mukachi nako na nako choshe , kewa muna ku bulamanji omwe mwa alume ” naku shungula nji omwe mwaalume ,naku kueleca mohochi mu utali na kwamba nji awa ome no mulume shemwa ko nikile paku beba kao ome ina piluka shemwa no mulume chaiho.

Omo monyiko tu swanelela ku teneka omikwa cokwipa wambenji “ omone “ ome ina elekiwa upya ; njepo ukalu nji wa mikwa cokwipa apa mu kengeela na kwanuka yoshe muleselee inu mohochi na kwamba nji ome ina elekiwa upya kame naku teneka yo kwipa .komu na tenekelo ho sibi siku chinguluka okwenu komu naku yuba sonyi kwambela munu oyu tenda yo kwipa weti omu no mwikaelanga kale hoo muni swalele omen je kutenda ya kwipa kakuli ome ina elekiwa sinja .muchiche yo kwipa naku yolisa iwawa mutende eyi muku kufunga ” mufaele inu ya umulimu mu maii aye naku itenda nako na nako .

MUTENDE ANU A MUSEBEZI WO LII

Mulimu ka saela ngawa to ikale anu aku yubambu kao kono twikale aku tenda o lii “ omwe mu ikale anu aku tenda lii ka ku yubambu kao apo mwaku onga mohochi endi munu mwa ikala waku yuba ambu kono nje ku tenda inu ” oyoafeka weti munu waku kumona mu siponi o sifateho saye omu na umbeliwela (Jakobo 1 v 22—23)

Momu piluka anu aku tenda olii naku apa mu anuka keo momu tenda kuca muku swanelela chambu ; kame mushemwa ku bulama kakuli momu kengelanga o nako choshe eye inu imweya I tendiwa ku mepo chikenu okwetu ,Jesu amba kuti ome moni lamba kwa tate ngawa amipe o mepo chikenu mu hibaka sange anga chi mi anukisange einu noni mi ambelanga yoshe (Jowani 14 v 16)

Tu ku tumele kwa mulimu o mepo chikenu chekalo kwetu pano twamba chino nako yatu tusa kutu hupulisa olii apa mu hupulo lii wa swanela ku belekelapo . Komu naku katacha omepo chikenu mocha mi letela kumi anukisa ;kono mwa swanela kumu kuteka nako co nako choshe apa ami anukisa oinu yo niti mu wongo wenu

MUKENGELE NGAWA SIBI KOSI NAMI BUSA PEULU ZENU

Mwa swanela ku hupula sinu simweya .Inu ya kwipu ko ikwite maata peulu zenu kao keti apa omwe mu itahena ku ilumeleza ngawa imi etelele .

Sibi kosi swanela kumi endisa kao naku mibusa batili (Maroma 6 v 14) Sibi ko siswanela ngawa sitende ulena okwenu kao batili ; si shemwa ku kwata kabelo cha likaha okwenu ku wili hiwanji kakuli komu ikile mushi no mulao kao kono mushi no sishemo mo nyiko muli eyo yonyiko yambiwa mu mbaimbulu okwenu.

Mulimu ona mi tundisa ku maata no lififi naku maata no sibi naku mi kasheza mu mu buso waye mu litooma mu lumbaeche o iwetu mulimu oyu natupu ku kwata kabelo ku mubuso waye nanu awaawa naku kuwana mu liseli lyaye likenu ” oyu natu tundisa mu lififi naku tuleta mu mu litooma lyaye ku mwana ye no pa muchima waye “ (Makolose 1 v 12—13) apo po nyiko muli keo muna elekiwa upya ; ponyiko mumona o maata no lififi nje ku wana maata aku mibusa eyo yekala mu sipaopao sa sibi omwe mwe kala mu sikwama sa mulimu so moyo eyi ikasho sibi keo muna mono nje ku kwata maata aku mi busa peulu zenu .

Makolose 1 v 14 zamba kuti tuna pulusiwa ku tundeela mu unyinga waye shiwa naku swaleliwa ibi yoshe ; mwa Jesu kresite tuna yoyisiwa eyi ya tendahala mu nako chino mu ufumu (Maefese 2 v 5—6) kotu lika ambu kao ngawa tu iwane kono tu ikwite pano , twa swanela ku imamela eyi o lii lya mulimu naku li kineena.

MO TENDA NGEPI A ONYI OYE NOKALE APA AMI USA MUNYIMA

Paku tendandi muna elekiwa upya kame mwa waniwa mu lubasi lupya omwe komu waniwa kame mu lubasi lwenu lo kale kame kao ; eyi ko yamba ngawa keo muna yumbu a kwenu no kale

kao naku a kwalela naku akana oshe batili omwe mwa swanela ku piluka litwa lya liseli okwoo “
awo a shili mu lififi kakuli kale ka shi amuhela Jesu kao mu michima zo . Mwa swanela ku lumuka
ngawa omwe muna piluka liseli okwoo lya mulimu ngawa alimuke mulimu nao muku tapele o
mai a mulimu nao mane anga akon’ele Jesu nao munyima zoku mona owe ;

Momu tenda ngepi apa ami usa munyima ; o mbaimbulu chamba kuti kuma peto no mayuwa
moku wiya anu aku sheununa naku tenda inu ya kwipa eyi a saela yoshe naku sheka inu yo
sikuma (2Pitolosi 3 v 3-4)

Asheununi onyiko anu ami husha munyima naku mihimba kumi talwa ku inu yokale mu upilo
kono mwa swanela kwa kanena ku enda noho mwa kanene omikwa chook u imana mu njila
chenu omu mulapelile mulimu wenu mwa Jesu kresite ; komu na shimba mupango umweya
noho batili komu netana oma kelezio na miambelo choo omwe mu imane mu lii lya mulimu
ambu nje ku chinja

KUKANA KU KU SHIMBISA MIPANGO

Muma yuwa matangi Melechanized mulimi ; njimi mwa pana mapulu meli ku koko na mipa
mutala wa apombwe aili kappa mapulu meli naku apaka ku sikekele ngawa alime . a mapulu
meli mwa kekela kulima kuno a enda pamweya kakuli mwana paniwa nako zimweya a mapulu
meli mwa lima kakuli mwa endeela mumweya siwana wana koshe oku aza opulu mutangi namu
kwaye ko nyiko aza ; o mulimu mwa chibela naku a topelisa kumweya kuno muna limuka ngawa
ana paniwa mu koko zimweya .

Endi oshe a ndonki amweya aku kufeka mwa isaniwa ngawa ana kufeke mu koko zimweya “
kono haiba nji omweya donki mukwaye pulu apo keo koku swanela ngawa mu koko zimweya
kao ina ku siyana . Moi na swanele ku kufeka ; haiba nji twa ku kulekisa miziyo na munu twa
swanela ku ikala mumweya owo wo nyiko ulumeli shemwa shemwa kakuli mulumeli a swanela
ku andeela na mukwaye mulumeli munzila chimweya muwonyi umweya “ haiba nji mulumeli na
munu fela wambula ku lapela kwendela ku kuleka mupngao umweya keo ukalu . Mulimu amba
kuti komu na shimbisana mipango omwe mwa lumeli nanu nombula ku lapela echo ka swanelo
kawo (2Makorinte 6 v 14)

Keo muna monondi , haiba nji omwe namunu wambula ku lapela mwa endela naku pila
mumweya apo keo komu swanela kao muna kusiyana Mulimu akana eyo kuna fosahala mulimu
ka saela ngawa omwe mu endele na munu wambula ku lumela kao ,kono mu shimbisane
mipango mwoshe mwa lumeli ;munu wambula ku lapela kana ikala ngawa yo mwonyi wenu
muwawa batili njeko tabanji muwa wangepi nje tabanji oye kasha elekiwa upya ka tweshe ku
piluka mwonyi wenu muwawa kaobatili.

Eyo mulimu na ikana kame ka swanelo kao mu meo a mulimu omu mu kengelela mwanu ka
monyiko a nahanela mulimu kao nje ku likana nei atenda mulimu batili.

Apa mulimu na tuma Samuele ku nzuwo za Jese ngawa a toze munu aikale mulena wa Isiraele (1
Samuele 16 v 1—13) Samuele apa amona o mweli wa Jese mupatelo “ Eliab Samuele keo amba
kuti haa oyu yonyiko shemwa oswanele ku wesiwa maazi yonyiko ana mono mulimu kakuli
mona monahala ku nenepa na kulepa kame mona wapa neli muwa “ keo mulimu oamba ku mu
polofita waye ngawa koyo kao ome ina mukana “ keo oamba ngawa munu oye atopela panze
kono mulimu oye amona mu muchima mukachi ; nomu mu monena peulu kwa onyi enu namwe
kakuli omu a endela mbu monyiko mu nahanela na uwa waye kono ka ngeyo kao ; mwa twesa
ku nahana mungi mungi kono mulimu oye a mona omunu no mukachi omu a monalela .

Oyu nakano kwelekiwa upya ka kwite mepo ziwa na mulimu kao o njila chiwaa na kwambanji
muikale anu amulimu kendi apa mu elekiwa upya ;ezi zo nyiko nako mu swanela ku ikala nanu
awawa ku mulimu keti apa aekekiwa sinja o takacho cenu kwa swanela ku tabisa mulimu ; komu

swanela ku sebelisa omu mu kengeelela omwe kao nje eyi shemwa yambo ikulu kulu . Mu pake muchima wenu kwa mulimu awete oye shemwa kame mwa mi mona oye (1Makorinte 10 v 13)

MO MUTENDA NGEPI ENDI MANYANDO NA MASULUNGUNDU APA AMI WIYELA

Mu Mareka 4 v 1—9 Jesu atu ambela nguli za mulimi mulimi mona za ku kuno mbuto caye keo mbuto cimweya cingwela mu macwe chimweya mu njila chimweya mu mikakani chimweya mu mubu uwawa mu timana ca 16 na 17 chambanji echi niche ngwela mu macwe mono cimena kono no chishemwa ku kwata miciiiki aku feka nanu apa yubo lii lya mulimu naku li amuhela muku wapela kono apa manyando no litunga amu keyela naku ngwa wangu kakuli Jesu kasha wana paku tomela kao nje mi chiichii naku nyangupa ku lwana . zambanji shiwa a wapela ngeyo kono manyando na masulungundu apa wiya keo a uka munyima eyo ya tendahala kwanu angi angi muno mukaye Jesu eyi a toloka pa anu angi angi ka shi wapela Jesu kao ka kwite lilato naye kao onako a yuba omai a mulimu naku wapela muku yubo upilo wo kuza kuso una sepisiwa naku amuhelo ma tapelo ho kono ka kwite sishemo kwa mulimu kao kushi wiya ngeya mayanga naku nyangupa kuteketa eyi ya letisa sonyi ” omwe mwa swanela ku kon’elo lii chambu .

MA SWANELA KU KWATA LILATO LIKULU KWA MULIMU WENU

Mulimu a saela lilati likulu okwaye lilato lya twesiwa ku ekeziwa kappa kuka munyima ku totobela omu mu mu tececela naku mu kengela naku mu lapela monyiko mu kulela namu lilato lyenu o kwaye kakuli lilato lya kulisiwa omu mu saelela omu mu saelela mulimu monyiko mu mu wapelela omu mu tececela ku mai aye monyiko mu wanenanji momu muwapelo onene nene momu wana na ungi wa inu mwa amuhela .

Endi mukwite lilato likulu kwa mulimu wenu keo omai aye mwe kala na mi chiichii mu lutu lwenu mu muchima keo nji mwa mona matata ami keyela momu lumuka ngawa mulimu kupi kwali na sibaka saye momu si limuka kame momu kuweela ngawa mulimu kwali mwa imanena o utata woshe

Ombaimbulu chamba kuti lifu na upilo lye kala mu mulomo wa munu (Liproverbia 18 v 20—21) yoshe eyi itundelile ku muchima yonyiko iya kwambiwa mukanwa (Mateu 12 v34-35-37) apa mumbiso muchima wenu na mai a mulimu shiwanji mwa mona matata kono momu limuka nji kocili njila naku pita moi pita kakuli momu mona onjila ca mulimu nji cina kwalula .

IWANJI KUTENKA

Komwa shi lukela ku teneka kao enji o matata ami keyela kuca mu ku elekiwa sinja ko kwambiwa nji keo mayanga ashemwa kumi keyela kambanji milandu chishemwa ku waniwo kwenu batili yambanji mukachi ko manyando mukachi ko mifili fili mulimu mwami yangwela mu ukalu woshe mu pitamo mwa mipa njila inani mu buka ca Lisamu 23 v 5 Mu lukise tafule posho no ila yange mwa twesha ku ikala posho no ila yenu kono ishemwa kumi ipaha kamba ku sinya sinyo o moyo wenu batili kappa mifili fili kumi keyela chishemwa ku sinyo upilo wenu .

Mulimu ka faelile nji omwe mu lesele batili mwa swanela ku imana njinjinji shiwanji matata ami keyela mu ukalu omwe nje ku swanela ku teneka kukela munyima batili mulimu mwami etelela keo komu na ukela munyima mu ikale mu tumelo cenu kwa mulimu kame oshwemwa kumi swabisa kappa ku mikana batili momu wina mu inu yoshe mu upilo wenu kakuli yakeya weti tuto okwenu (Isaya 43 v 2) chamba kuti endi mwa pita mu meyu a shemwa ku mi zameka endi mwa ikala mu mulilo ushemwa kumi tumbeka endi mwa mu latelela Jesu na muchima umweya

mwa mi tusa naku mi mamela mu matata oshe mu ikala nao endi mwa lumela ku mulimu naku mu sebeleza na muchima wenu woshe njeko ukalu .

Tuku tumele kwa mulimu oyu natupu ku twesa ku pitela kwa mwanaye Jesu kresite “ keo honi mwa kwange no ku wapeliwa mu mamele siwana wana kame mu kwatele ku musebezi wa mulena kuno muna limuka ngawa omu sebezi wenu kwa mulimu ka wa mbango kao (

1Makorinte 15 v 57-58)esi sina elekiwa na mulimu sa komo litunga oku ko nyiko kukoma kwambiwa mu litunga shiwa na tumelo chetu.(1Jowani 4 v 4)

Muna mono mulimu natupu ku koma ku pitela mwa mwanaye Jesu kresite ; keo kotu twese ku luza kao muku lute mu 1 Jowani 5 v 4 naku mamela ; kwambiwa oku kona mu litunga zenyiko tumelo zetu “ muyoye na tumelo omwe mwa komi kale kale ka ku komiwa kao ; omwe mono mwelekiwa kuno muna komo kale kakuli omwe muna elekiwa na mulimu ,omwe mwa tundeela ku pupo za mulimu kame muna elekiwa ku miselo zo moya .

MEPO CHIKENU NAMWE

Muku elekiwa sinja oko ku elekiwa mu miselo cho mepo chikenu (1 makorinte 12 v 13 , na Jowani 3 v 5—8) endi muna elekiwa upya o mepo chikenu mocha ikala okwenu naku mi endelelisa mu moyo wenu ; keo mwa swanela kumu limuka ngawa ani oyu mulena naku mamela omu sebezi waye okwenu mu moyo wenu woshe.

Mwa swanela kumu lemuha ngawa ike ana mipu omwe ngawa omwe muku kole moyo wa muyayaya owo uwaniwa kwa Jesu naku wamuhela (1 Makorinte 12 v 8-10)na maata luka 21 v 49)Likezo 1 v 4—8 ya waniwa okwenu ku pitelo mwaye Jesu.

KANTI MEPO ZIKENU ANI?

Muku shutana shutana ko mai nomu mbaimbulu omu a tonweliwela twa wana mepo zikenu mu Tesitamente zo kale twa wana zo zipo maata ku tenda inu muku kupitela mu buka za (Baatuli 14 v 6—19)

Mu tesitamente zipya twa wana ngawa noku ikala musebezi ukulu mu kwelekiwa kwa Jesu Luka 4 v 18. Omepo zikenu za ku monahaza mu Likezo 2 v 1—4 muku sebelisana na atumiwi a Jesu kresite mu misebezi noku twalo mai ku litunga.

Oye shemwa mulimu oye shemwa munu mukenu kame oye yonyiko no waatu ku umulimu ngawa akwanene (Jowani 14 v 10—17 na mu Jowani 15 v 26) Oye omna ikalako ku ma tatekelo ku nundeezo (Genese 1 v 2)

Oye yo maata a mulimu kuza mu miambelo nami tolokelo .mu mai makwao naye kame kalulo cha u mulimu oye no manenanga yoshe eyi a mwa mbela mulimu ngawa a tede, (Genese 1)

Oye yono manenanga na maata a mulimu mane naku yubahala mu maikuto (2 Timotea 1 v 7) Oye yo mepo noku kwambweela ku paka pa mweya o inu . (2 Makorinte 3 v 17).

EYI MEPO ZIKENU ZIKANA

Kame ko kwikile siwana kao ngawa o mepo chikenu chaku hapeleca; kappa mepo chambu cha likungu hiwanji ; kappa ku chitoya nji mepo cha u likuchi shiwa out yuba mu mbaimbulu kuti echo mepo chikenu mono chi monahana mu hi bupeho sa likuchi apa na kolobeziwa Jesu , kame oye ka lilimi kao kappa mushobo batili shiwa napiwa o maata no kwaamba kono ye ka maata kao ; kono oye aleta o maata a mulimu o kwetu twanu ‘ kame oye ka mepo chi leta omwe mu upika no lyowa batili (Maroma 8 v 15) kono muku kwambweela kumi waneka pamweya muku kuyuba (2 Makorinte 3 v 17)

KANDI LIBAKA MWIKE ELI TU FAELILE O MEPO CHIKENU ?

O mepo chikenu chatupa maata a tukuluho aku tenda inu ikulu (Likezo 1 v 8) eli lii lyamba nji maata lya tolokiwa mu hingerike kuti dumannis kono lya toloka kuti Dynamic kwamba nji maata aku twesa ku fetula inu “ konji apa o mepo chikenu chi keyo kwetu naku yoya mu mioyo cetu twanu . Cha tupa maata noku chinjo inu naku beleka katata mu musebezi wa mulimu naku chinja o upilo wetu mane naku fetulo upilo wakwetu

Kame ezi mepo za tupa ngawa mane tu kutache lutu lutu o ulumiwa wa mulimu kwanu (Mateu 28 v 18—20)

Cha tupa ku tuendelelisha naku tupa hikuka siwawa o kwetu (Jowani 16 v 13 namu Maroma 8 v 14)

Kame echi mepo cha tupa ku omba omba twanu (Jowani 14 v 18 namu Likezo 9 v 31 chatu laelela naku tuluta otwe (Jowani 14 v 26 namu Makorinte 2 v 11—12)

Kame echi mepo chikenu cha enda netu twanu naku piluka mepo chaku ikala netu mu mioyo cetu liwa na liiwa (Jowani 14 v 16)

Kame cha tenda upaki okwetu na mepo no kwambanji otwe twana mulimu mupelo kame ku tundapo naku waniwa ngawa tu kwite siмба ku ufumu waye ku pitela mwa Jesu kresite (Maroma 8 v 16 namu Maefese 3 v 6)

Kame echi mepo chikenu cha tupa tukuluho ku kumona na mulimu patalaza mu lilato lyaye (Maroma 8 v 15 namu 2 Makorinte 3 v 17 mane namu 2 Timotea 1 v 17)

MWATWESA KU KWONYEKA NGEPI NA MEPO CHIKENU

Mu Jowani 14 v 17 Jesu amba kuti ‘ shiwanji echo mepo chikenu chinakana ku amuhela ku litunga kakuli awo nje ku chimona ka chi limuka kao mane naku chimona nje ; konomwe mwa chilimuka kakuli ca pila nenu kame mocha ikala okwenu .

Moku kwonyekela na mepo chikenu keti omwe apa muchi lemuha naku chimamela, naku limuka nji ca beleka ike okwenu mu moyo wenu . Mwa swanela ku ku sinye nako ku ambaula naco echi mepo chikenu naku shimbaji mepo chikenu mwonyi wenu mukulu , Mwa swanela ku ikala mwonyi wenu muku shimba nako chile muku lapela naku kututa onene ;muku kututa naku kukokobela okwacho echo mepo chikenu ; muku kulisa naku kopanyiwa ku mepo chikenu . Apa mwelekiwa sinja ; keo muna kolobeziwa mu mepo chikenu ku kolobeziwa yamba kuti kappa ya talusa nji ku lweechi mu meyu mangi ku pwelamo moshe njeko pati chi shaala. Mutala ngeya mwa twesa ku shimba lapa cha mbola naku chipaka mu cupu chikulu naku chi lwechicha mu meyu choshe kupwela mumeyu kenji kuchi kwahela choshe mu meyu ; eyi yo nyiko I tendalile na kwenu omu na elekiwa sinja ” namwe muna lwezesiwa mu meyu weti chiya mbola mu mepo chikenu .

Kono mwa swanela kulimuka hinu himweya nji o mbola paku lweecha mu meyu choshe kono kwekala sinu simweya ka kwambanji chi kwane mumeyu kwa swanela ku waniwa lisuba mwaku ikngeno meyu ngawa ezo mbola zi kwanene mu meyu mu mai makwao kwambiwa ngeya omu pangeliwelo no mbala cha swanela ku itanisa ngawa o meyu awane mwaku ingeena ka nzila mwaku pitelo meyu . Mu chila chimweya name kumona nji muna elekiwa upya kwa mulimu mwa swanela ku amuhelo mepo chikenu naku mbookwenu mu ungi .

Kame muku umbisiwa na mepo chikenu; ka chinu chimweya mbu kao batili echi muna limuka mu moyo wenu mu mwikaelo umweya nou tendaahalu mu moyo wenu nako chimweyaa; ya swanela ku tendahala nako na nako liwa naliwa muku imamella(Maefese 5 v 18)eyi ya mi letela mu minahano na ngana chenu nomu mu ikaela naco mepo chikenu munako mu ikala naco naku

lemuha echi mepo chikenu omu chi belekelile mu moyo wenu , mane omwe keo mo mumba na mepo chikenu naku kula mu hilumeli namu ku lapela naye ku pitela muku mu lumbaecha naku mu lapela naku kututa o lii lya ye muku kwatela naku mu yubela mweyi ami lailela yosho naku ikulisha kui nanula ; munjileco keo momu kwanisa ku eteleliwa na mulimu mane naa mepo chikenu cha mulimu.

KWAMBAULAMU MISHOBO SHOBO NA MU MALIMI LIMU

Shinani omu noni mi tonwela kale “ o mepo chikenu chapiwa kwana mulimu ngawa a twese kwaamba mu malimi limi noku ku shutana shutana ;; echo hisupo na amba mulimu nji moci kon’eela anu atamba ku lumelo kwaye mulimu na kwamba kuti mwa amba mu malimi limi mapya (Mareka 16 v 17)

O wu mu ikaelo uwa namumbelo uwawa wa maata no kwamba nji atwese ku amba na mulimu sitilaiti nje ku pita ku mambali kono mu mepo , kame chi napiwo kwenu weti mupuzo ku tundeela ku mepo zikenu ku amba mu malimi limi ; mu malimi limi nako chimweya chapa mutala waku lapela mu mepo apa twamba mu malimi limi , twaamba sitileiti na mulimu (1 Makorinte 14 v 4) kame o mepo cha tu umba kucamuwilo (B aatuli 1 v 20) o mepo chetu cha kulisiwa naku tu njaafaza mu upya (Isaya 40 v 31)

Nako mu amuhela omepo chikenu mwa twesha kwamba mu malimi nako choshe mu keta , ka amba ku pitelo mwenu kao kono amba okwenu omwe kono a mipa maata no kuamba na kwamba nji mu zwelepili omwe mu kwaamba kwa mulimu wenu mu malimi onako choshe mu saela omwe .

Apa mu tateka kwaamba mu malimi makwao ; momu ikala munu waku yeyukisa angi kuno mu kwatelo kwamba nako co nako cha feka weti mwa ikana mutomo uyu na tateke kwaamba mai manyonyo ; omu a chabelelo kwaamba monyiko a tamba kucela posho mu kwamba kwaye “ eyi yaku feka naku aamba mu malimi kame mai mapya kappa mushobo upya , nihaike omwe nomu shemwa kufaela ngawa mu ukutute kono momu zwela pili kuno mu kwatela kuamba nako na nako .

Shiwa omwamba ngeyo mu malimi kono mulimuke ngawa mo ukulisa o ulumeli wenu naku mi twala ngawa muwane na matalenta makwao kwa mulimu libaka lyaku aaamba mu malimi makwao ezo zipiwa ku mepo zikenu kakuli monyiko zili.

KANA MWA SWANELA KUCA KU KELEKE NJI?

Mu Mateu 16 v 18 Jesu mona ambaula pa keleke zaye ili ku toya olutu lwaye pano pasha na kwaamba kuti mwa umba o keleke kame oyelo noku lihele I shemwa kutweshwa ku ikwalela hiwanji .

Shinani olutu lumweya kono lukwite ilama lama ingi pa lutu lumweya shiwa yoyi ikala ilama ingi ingi kono ye kala pa lutulumweya shinani mwa Jesu kresite twa ikala mumweya muku waniwa na mepo chikenu tuna kolobeziwa mu lutu lumweya shiwandi twekala twa majunda kamba twanu anu ambu sjiwanji twachike kamba twaku busa toshe tuna nu mu komoki chimweya cha mepo chikenu , shinani omu mu limukela ngawa lutu lukwite ilamaa ingi kono ye waniwa ba lutu lumeya (1Makorinte 12 v 12—14 .

Otwe twa lutu kono Jesu yo mutwi wetu oshe alumeli (ana elekiwa upya) oshe anu a ilama ya lutu kame silama na silama sa ku tinga pa sikwaso silama (1Makorinte 12 v 27) shinani omu iku

shutanelo ilama yo lutu nji kutwesa ku ku belekela omu sisaelela eso silama batili mosi beleka omu ilama ikwayo isaelela “ natwe twanu nje ku twesa ku beleka omu tu saelela shiwandi twekala ilama ya Jesu kresite eyi kakuli mulimu na tupu ma talenta aku ku siyana siyana nomu ana twisaene mu ku lapela kwetu koyu ku feka kao mu keleke za mulimu twekala mu manzila aku kana ku kufeka ,esi a saela ngawa o keleke ziwane polofiti ku munu na munu yoshe a waniwe ngawa a leta polofiti mu keleke hiwanji ku tongomana chambu !(1 Makorinte 12 v 18—24) namu Maefese 1 v 12 .

Ku waniwa mu keleke ; kwa talusa nji mwa ku kokobeza kwa mulimu naku muyubela mane naku mukuteka kuca mu tatochaye oye mulimu na kwambanji oye atu fuyawece munu na munu omu ana mupelo o talenta chaye o mute , ku tenda ma makazo , ku yoyisa anu no ku kola naku polofita inu no kusho ku itonola ,naku waniwa nji mwa twesa ku yubisisa omali a mulimu ana makazo ;; ku lapela naku mu lumbaecha mulimu pamweya mwa lumeli kwa letiwa ngawa anu aku kwatise mu utata mane naku twesa ku lyela pamweya muku toziwa na mepo chikenu kwa tumiwi a mulimu ili a beleki aye ku munu na munu oli mu keleki mu ngana cha ku kupitela pakaye (Maheberu 10 v 25 na mu Likezo 1 v 14 mane namu Lisamu 133 v 1—2)

Kwenda ofochi mu lii omu faelile owe o limuke nji wa china lulundu wa li kambama ku kupa mushimbo ukalu owe hofochi endi komwaa shi kuwanaa mu keleki cho kumba na mepo chikenu shiwa mu waniwa omo mu keleki mulike katata nji mu batisise kwanu a lapelelo mo mu keleki ngawa kandi ukalu mwike ulimo mane mwa kwanisa ku kulisho silumeli senu na mepo chiwawa (omunu no mukachi ili o muchima wenu ngawa ukule muku lapela siwana) eyi keo moi miletela ku lelupela muku mu lapela mulimu mane naku ikala munu waku paka mbuto mu ungi ungi . Shinanni mulumeli , wa swanela ku limukiwa kwanu mu ikala no mu silalanda kappa mu sikiliti o keleke zi saniwa ngawa munzi wenu mane naku waniwa ngawa munaa patehe nako na nako mu misebezi ;; manee keo momu waniwa ngawa mwa fuyaweziwa na mulimu mu inu ingi ingi naku endelela mu lii lyaye .

Shinani omu muna elekeliwele upya ngeya mwende na kutwisiso ku munu muna lumele kame komu na kana ku kopana nanu a mulimu a ketwa aye (Maheberu 10 v 25)!

KUKULA KUCHA MUWILU

O mbaimbulu zatu yataulela otwe ;; mu kutute mo hochi naku monanji omwe muna lumeleliwa siwawa wana ngawa mwanu a kuluka kwa mulimu mubeleki u tokwahalile wambula kakoli pa lutu lwaye shiwanji nyazo okwaye munu wambula nji a swabisiwe mukachi ko anu “ munu otwesa ku tapelo maii no ku luka mawa mawa kwanu maii a no hikuma (2 Timotea 2 v 15) eyo naku laelela mu ma buka oye no moyo na mepo chikenu ngawa o tukuke o kule mu tumelo kuno kwatela ku luta naku monisa inu pa kapyapya ku iyala siwana wana naku ku monahalisa nji owe o kwite mbuto zaku paka mu ungi mu ibaka omu waniwa moshe mu moyo woye mane naku tenda nji o tumelo choye chi inguke kuca posho mu muchima woye wikale ngeyo . Mu ishimbe;; mu ikutute ; mupake olii muku beleka naku mona o kanya za mulimu omu zimi chinjeza mu moyo wenu .

